

No. 942.

AKTA UNIVERSITI DAN KOLEJ UNIVERSITI 1971

PERLEMBAGAAN UNIVERSITI MALAYA

KAEDAH-KAEDAH UNIVERSITI MALAYA
(PAKAIAN RASMI DAN AKADEMIK) 2024

SUSUNAN KAEDAH

Kaedah

1. Nama
2. Tafsiran

BAHAGIAN I

PAKAIAN RASMI

3. Canselor
4. Pro-Canselor
5. Naib Canselor
6. Timbalan Naib Canselor
7. Penolong Naib Canselor
8. Pengerusi Lembaga Pengarah
9. Ahli Lembaga Pengarah
10. Pendaftar, Bendahari, Pustakawan dan Penasihat Undang-Undang
11. Bentara (Pembawa Cokmar Canselor)

BAHAGIAN II

PAKAIAN AKADEMIK

12. Warna Fakulti, Sekolah, Pusat, Akademi atau Institut
13. Gaun

Kaedah

14. Hud
15. Mortabod
16. Bonnet

BAHAGIAN III

PEMBATALAN

17. Pembatalan

AKTA UNIVERSITI DAN KOLEJ UNIVERSITI 1971

PERLEMBAGAAN UNIVERSITI MALAYA

KAEDAH-KAEDAH UNIVERSITI MALAYA
(PAKAIAN RASMI DAN AKADEMIK) 2024

Pada menjalankan kuasa yang diberi oleh subseksyen 37(1) Perlembagaan Universiti Malaya, Lembaga Pengarah Universiti Malaya membuat kaedah-kaedah berikut:

Nama

1. Kaedah-kaedah ini bolehlah dinamakan Kaedah-Kaedah Universiti Malaya (Pakaian Rasmi dan Akademik) 2024, dan hendaklah berkuat kuasa pada tarikh ia disiarkan dalam *Warta*.

Tafsiran

2. Dalam Kaedah-Kaedah ini, melainkan jika konteksnya menghendaki makna yang lain:

“Graduan” bermaksud pelajar yang telah diluluskan untuk bergraduasi dan sebelum dianugerahkan skrol akademik; dan

“Universiti” bermaksud Universiti Malaya.

BAHAGIAN I

PAKAIAN RASMI

Canselor

3. (1) Jubah berwarna biru tua berkolar songket hitam dengan permukaan lebar dan bersulamkan benang berwarna emas: bahagian hadapan, tepi lengan dan bawah jubah yang dihiasi dengan songket yang sama.

(2) Mortabod: Topi segi empat daripada kain baldi berwarna hitam dengan rumbai dan butang berwarna emas; topi dihiasi dengan songket yang sama seperti yang digunakan pada jubah.

Pro-Canselor

4. (1) Jubah berwarna biru tua berkolar songket biru dengan permukaan lebar dan bersulamkan benang berwarna emas: bahagian hadapan, tepi lengan dan bawah jubah yang dihiasi dengan songket yang sama.

(2) Mortabod: Topi segi empat daripada kain baldi berwarna hitam dengan rumbai dan butang berwarna emas; topi dihiasi dengan songket yang sama seperti yang digunakan pada jubah.

Naib Canselor

5. (1) Jubah berwarna biru tua berkolar songket biru langit dengan permukaan lebar dan bersulamkan benang berwarna emas: bahagian hadapan, tepi lengan dan bawah jubah yang dihiasi dengan songket yang sama.

(2) Mortabod: Topi segi empat daripada kain baldu berwarna hitam dengan rumbai berwarna hitam dan butang berwarna emas; topi dihiasi dengan songket yang sama seperti yang digunakan pada jubah.

Timbalan Naib Canselor

6. (1) Jubah berwarna biru tua berkolar songket dengan permukaan lebar sama seperti yang digunakan pada jubah Naib Canselor: bahagian hadapan, tepi lengan dan bawah jubah yang dihiasi dengan songket yang sama kecuali lebar hiasan songket di lengan dan bahagian bawah jubah adalah separuh daripada lebar hiasan songket di lengan dan bahagian bawah jubah Naib Canselor.

(2) Mortabod: Topi segi empat daripada kain baldu berwarna hitam dengan rumbai berwarna hitam; topi dihiasi dengan songket yang sama seperti yang digunakan pada jubah.

Penolong Naib Canselor

7. (1) Jubah berwarna biru tua berkolar songket dengan permukaan lebar sama seperti yang digunakan pada jubah Timbalan Naib Canselor: bahagian hadapan, tepi lengan dan bawah jubah yang dihiasi dengan songket yang sama.

(2) Mortabod: Topi segi empat daripada kain baldu berwarna hitam dengan rumbai berwarna hitam; topi dihiasi dengan songket yang sama seperti yang digunakan pada jubah.

Pengerusi Lembaga Pengarah

8. (1) Jubah berwarna biru tua berkolar songket berwarna *lavender* dengan permukaan lebar dan bersulamkan benang berwarna emas: bahagian hadapan, tepi lengan dan bawah jubah yang dihiasi dengan songket yang sama.

(2) Mortabod: Topi segi empat daripada kain baldu berwarna hitam dengan rumbai berwarna hitam; topi dihiasi dengan songket yang sama seperti yang digunakan pada jubah.

Ahli Lembaga Pengarah

9. (1) Jubah berwarna biru tua; bahagian hadapan, tepi lengan dan bawah jubah yang dihiasi dengan songket biru bersulamkan benang berwarna emas.

(2) Mortabod: Topi segi empat daripada kain baldu berwarna hitam dengan rumbai berwarna hitam; topi dihiasi dengan songket yang sama seperti yang digunakan pada jubah.

Pendaftar, Bendahari, Pustakawan dan Penasihat Undang-Undang

10. (1) Jubah berwarna biru tua; bahagian hadapan, tepi lengan dan bawah jubah yang dihiasi dengan songket biru langit bersulamkan benang berwarna emas.

(2) Mortabod: Topi segi empat daripada kain baldi berwarna hitam dengan rumbai berwarna hitam; topi dihiasi dengan songket yang sama seperti yang digunakan pada jubah.

Bentara (Pembawa Cokmar Canselor)

11. (1) Jubah berwarna biru tua; bahagian hadapan, tepi lengan dan bawah jubah yang dihiasi dengan songket berwarna *lilac* bersulamkan benang berwarna emas.

(2) Mortabod: Topi segi empat daripada kain baldi berwarna hitam dengan rumbai berwarna hitam; topi dihiasi dengan songket yang sama seperti yang digunakan pada jubah.

BAHAGIAN II

PAKAIAN AKADEMIK

Warna Fakulti, Sekolah, Pusat, Akademi atau Institut

12. Warna Fakulti, Sekolah, Pusat, Akademi atau Institut hendaklah seperti yang ditetapkan oleh Universiti dari semasa ke semasa.

Gaun

13. (1) Semua graduan Sarjana Muda layak memakai gaun bertali biru tua atau *poplin* yang sama dengan gaun akademik Sarjana Muda Sastera Universiti Oxford yang mempunyai hujung lengan yang tirus dengan bahagian bawah lengan digulungkan ke atas dan dibutangkan di luar baju dengan tali berjalin.

(2) Semua graduan Sarjana layak memakai gaun bertali biru tua atau *poplin* yang sama dengan gaun akademik Sarjana Sastera Universiti Oxford, dengan butang dan tali berjalin pada *yoke* di bahagian belakang gaun. Lengan pemakai keluar daripada bahagian lengan gaun di paras siku dengan berpakaian lengan panjang bertutup.

(3) Semua graduan Ijazah Kedoktoran layak memakai jubah bertali biru tua atau *poplin* yang sama seperti D.Phil. Oxford, lengannya diperbuat daripada sutera atau *poplin* hijau muda dan bahagian hadapan gaun menggunakan kain yang sama pada lengan selebar 13 sentimeter.

(4) Semua graduan Diploma Lepas Ijazah layak memakai gaun biru tua dengan jalur memanjang mengikut warna Fakulti, Sekolah, Pusat, Akademi atau Institut, di bahagian hadapan kiri dan kanan gaun. Lengan gaun lebar bergaris dua jalur bulat, mengikut warna Fakulti, Sekolah, Pusat, Akademi atau Institut.

(5) Semua graduan Diploma Lanjutan layak memakai gaun biru tua dengan jalur memanjang berwarna *mustard*, di bahagian hadapan kiri dan kanan gaun. Lengan gaun lebar bergaris dua jalur bulat berwarna *mustard*.

(6) Semua graduan Diploma layak memakai gaun biru tua dengan jalur memanjang berwarna *mustard*, di bahagian hadapan kiri dan kanan gaun. Lengan gaun lebar bergaris satu jalur bulat berwarna *mustard*.

(7) Semua graduan Diploma Eksekutif layak memakai gaun biru tua dengan jalur memanjang berwarna *mustard*, di bahagian hadapan kiri dan kanan gaun. Lengan gaun lebar bergaris satu jalur bulat berwarna *mustard*.

Hud

14. (1) Semua graduan Sarjana Muda layak memakai hud bertali biru tua atau *poplin* yang berlapis sepenuhnya dengan sutera mengikut warna Fakulti, Sekolah, Pusat, Akademi atau Institut yang sama bentuk dengan hud Oxford M.A. Burgon yang telah ditambah baik.

(2) Semua graduan Sarjana layak memakai hud bertali biru tua atau *poplin* yang berlapis sepenuhnya dengan sutera mengikut warna Fakulti, Sekolah, Pusat, Akademi atau Institut yang sama bentuk dengan *London Hoods*, dan dipakai bersama *cape* berbentuk bulat.

(3) Semua graduan Ijazah Kedoktoran layak memakai hud bertali biru tua atau *poplin* yang berlapis sepenuhnya dengan sutera hijau muda selebar 2.5 sentimeter di bahagian tepi sekeliling *cape* dan hud mengikut warna Fakulti, Sekolah, Pusat, Akademi atau Institut di mana ijazah diambil dan sama bentuk seperti Doktor Oxford.

Mortabod

15. Semua Graduan hendaklah memakai topi segi empat berbentuk mortabod berkain hitam dengan rumbai berwarna hitam.

Bonnet

16. Semua graduan Ijazah Kedoktoran hendaklah memakai topi bulat berkain hitam, dengan tali dan rumbai mengikut warna Fakulti, Sekolah, Pusat, Akademi atau Institut di mana ijazah diambil.

BAHAGIAN III

PEMBATALAN

17. Statut XXI - Official and Academic Dress [*P.U. 425/64*] dibatalkan.

Dibuat 27 Disember 2024.

TAN SRI ZARINAH ANWAR
Pengerusi
Lembaga Pengarah
Universiti Malaya